

武寧縣志卷之二十三

武寧縣知縣滇南李 珣纂

寓賢

古今昏旦乾坤逆旅得人而傳地無常主玉枕之麓修江之渚半榻雲山一船風雨昔賢所經猶存矐矩柳既名峯蘇亦有圃遠近相望或出或處光被泉石芳流萇楚千載匪遙遺跡可數憑弔在茲尙其欽而志寓賢

唐

柳渾字惟深

本傳名字夷曠本名載

河東人天寶初擢第除浙江衢州

司馬棄官隱武寧山中築精舍讀書羣公交書走幣皆

謝絕不就後徵拜監察御史乃起仕至中書門下同平

章事封宜城伯謚曰貞後人遂名其棲隱處曰柳山

柳州

武寧縣志

卷二十三

寓賢

一

四百三十七

集

按柳渾舊志訛作柳惲據柳州集改正

梁志

按唐書本傳載渾梁僕射六世孫後家襄州早孤天

寶初擢進士第調單父尉累除衢州司馬棄官隱武

寧山

輿地紀勝云柳山在武寧縣西唐史柳渾棄官隱居武寧山即此有讀書臺遺址尙存 召

拜監察御史大歷初江西魏少游表爲判官俄遇袁

州刺史又路嗣恭嘗表爲豐城令見府志名宦

柳識字方明

萬一作明

渾母兄官屯田郎中集賢殿學士工文

章與蕭穎士元德秀劉迅齊名天寶中同渾隱武寧詩

酒自適士人欽慕之

裴倩字容卿絳州聞喜人宰相裴光庭子官度支郎中初

違河洛之難以其族行浮彭蠡泝修江至於武寧與柳

渾諸人爲塵外交備子郇國公均時蓋從遊焉

蕭定字梅臣蘭陵人宰相瑀曾孫累官太常卿天寶末明
皇西幸聞柳裴諸公隱武寧乃巾車來遊相與賦泉題
石毫墨未乾傳詠已遍同時如秘書少監范陽盧虛舟
左庶子隴西李勛給事中汝南袁高將作監河南元巨
俱宿德重望咸棲遯山中修水數百里內詩筒遊屐後
先絡繹可謂一時之盛俱見海昏集

張寧字康叔洛陽人登進士德宗建中間陞國子祭酒立
朝蹇諤忤盧杞棄官慕柳渾之風來武寧至紫鹿岡青
牛洞慨然曰紫鹿青牛非方外人不可狎乃止居焉今
武寧張氏皆寧後也馮志

王權九江德安人唐天復進士歷官兵部尙書晉天福三

武寧縣志

卷二十三

寓賢

二

四百一
四百六十七

年遣使契丹權以老病辭晉主怒停其官遂隱於武寧
蘆桐坪今武邑王氏多其後裔梁志

宋

韓魏國公琦相州人天聖五年與邑人葉顧言同登王堯
臣榜顧言爲名進士琦訪諸南鄉及縣治登四望山芙
蓉萬疊雲樹千層心目爲之駘宕遂建四望亭賦詩志
之有西北雲高拂女牆危亭虛豁望中長之句刻劃精
工殊非泛響全詩載藝文

周惇頤字茂叔號濂溪道州人主簿分寧時往來修水嘗
畱邑中講學邑人因建尊賢坊以誌仰慕焉舊志

黃庭堅字魯直號山谷分寧人與邑處士鄭郊老禪法安
輩友善數相過從詩酒流連彌月不去凡靈巖秀谷多

所題咏至今遺跡尙存 山谷集

蘇軾字子瞻號東坡眉州人嘗訪山谷於分寧復由武寧如富川邑西鄉有三賢墩以濂溪東坡山谷得名舊有三賢堂今廢

李綱邵武人以紹興五年除江西安撫制置大使知洪州嘗沂修水臨艾城登四望山山舊有亭建自韓魏國公琦公流連四望南有柳岳北有神童西有羅峯東有石鏡修江中流如練繚繞亭麓遂不忍斯亭之圯也命邑人葺而新之至今猶存勝蹟云

按西江古蹟註韓琦四望亭詩云李綱過武寧城西喜其山川之秀命立亭名四望琦屬北宋綱屬南宋詩作於前亭建於後何其謬也今訂正之綱重葺者

武寧縣志

卷二十三

寓賢

三

四百三十七

近是

費本良江夏人官隆興路通判奉諭鎮守涇濱見山川秀麗土田腴美遂家涇濱爲武寧費氏始祖遺風習習然自近及遠至今未艾紹興辛未進士費義皆公族也

李文定公燔字敬子海昏人接壤豫寧師事朱紫陽講學宏齋以道自任進士李自得嘗迎公主講艾城學者皆宗之邑東李氏嘗構三墅以待公遺址尙存 松墅曰柏墅鶴墅

謝枋得字君直號疊山弋陽人宋寶祐間中經義科咸淳五年謫居興國軍德祐乙亥恭帝蒙塵乃棄家遠遊復入九宮山與黃冠雜處時或擊劍悲歌人莫能測也有詩見藝文

元

戴復古

戴麓字復古又字式之

號石屏工詩江湖四子之一也未遇

時流寓武寧有某翁愛其才妻以女畱三年始歸其妻

死節事詩列女元史有辨詳古蹟

揭傒斯字曼碩豐城人元延祐初爲國史編修前後三入

翰林追封豫章郡公謚文安少處窮約成宗大德間出

遊湘漢道經武寧至太平山愛其林巒幽邃讀書道觀

中有太平山雜咏載藝文

范梈號德機臨江清江人耽詩工文用力精深以朝臣薦

爲翰林院編修官後出爲湖南嶺北道廉訪司經歷司

以養親辭嘗遊武寧有詩見東坊集元史

明

楊廉字方震豐城人明世宗朝仕至南京禮部尙書贈太

武寧縣志

卷二十三

寓賢

四

四百三
四百四十八

子少保謚文恪學者稱月湖先生所著有太極圖纂理

學名臣言行錄及淨稿續稿諸書領解後應聘修武寧

縣志谿谷川原之勝畱止彌歲遊屐姑遍

朱多炆字貞吉寧獻王孫也善詩歌兼工繪事嘗變姓名

爲來相如輕裝出遊踪跡遍吳楚間歸而掩關部掃以

倦游名其詩邑人余弼建安王儀賓也以詩名江國尤

好多炆畫而多炆亦酷好弼詩兩人者相與莫逆頗盡

嫵婬友朋之樂多炆訪弼於賓陽莊愛其山水幽邃畱

連數月不忍去爲作賓陽莊圖布景設色曲肖佳境人

以配輞川圖云

國朝

熊維典號約生建昌縣人明崇正間兵科給事後退隱嘗

遊武寧瓜源愛其洞壑幽逸流連不欲去野服素履日
與樵牧談桑麻徃復嬉笑時人莫識也

杜果號覺菴新建人進士授翰林院庶吉士改御史巡按
浙江以廉明著嘗遊武寧周覽溪山勝概卽境賦物今

鮑公生祠

卽儒學司
訓公署

山高水長四大字遺筆尙存

鄒度拱字謙受新建人順治戊戌進士官翰林檢討晚年
邱壑自怡擇地居武寧小流山中遂卒於此

王世章號訥夫九江瑞昌人博聞強記經術湛明又氣節
高尚與之遊者悉以古朋友相獎勵故寓武最久而卒
困於諸生惜哉

李應熙字屯菴湖廣興國州人乾隆壬戌進士官翰林院
庶吉士工詩遊武寧棋枰談麈所至傾倒尤樂與奇杰

武寧縣志

卷二十三

寓賢

五

四百四
四百八十八

士交切磨議論慨然以古人相期許性耽山水鐘鼎山
長墅源燕子巖諸勝處流連徃復多所題咏

周孔從號白亭本郡寧州人壬戌進士官翰林院檢討每
蒲帆上下與邑人士飲酒賦詩淋漓傾倒彌旬月不倦
時論以郭李仙舟况之後卒於官著有白亭詩鈔

趙由儀字山南南豐人乾隆辛酉舉人性倜儻能詩一時
名人皆樂與之交嘗遊武寧與紳士大夫多浹洽著有
漸堂詩爲盱江才子之一

熊爲霖字浣青號學橋新建人以解元中乾隆壬戌進士
官翰林院檢討初聞武寧盛謨兄弟及余騰蛟名渡章
江湖修水舟帆數百里詣字雲巢暨賓竹堂相與講學
論文歷寒暑不倦時富川李屯菴南豐趙由儀戈博三

徐同仁皆在焉所過名山溪洞慷慨咏歌山靈多藉以
生色晚年主講鹿洞太僕盧浙游其門言及邑先輩猶
爲之於邑云

新增

按馮志寓賢甘羅柳渾張寧李質凡四人武寧固僻
壤不數見於紀載而山林之奧衍谿洞之幽異未始
不足與名區相比擬特傳之有幸有不幸耳粵稽志
傳柳貞公隱武寧時裴袁蕭李諸公一時選勝偕至
流連唱和極巖壑烟霞之樂逮夫宋元諸賢亦皆探
異搜奇咏歌泉石昔人遊憩之地今畧爲採輯錄其
可徵者亦足以見溪山森秀迥絕塵寰爲高賢所傾
慕如此至如舊志所載甘羅旣荒忽無據而李質所
寓之得日觀在寧州旌陽山已見唐詩紀事故刪去

武寧縣志

卷二十三

寓賢

六

四百五十四

華蔚巖號椒堂湖北興國州人博覽經史兼通天文地理
善卜筮六壬性豪放揮塵清談有晉人風往來武地凡
三十年從遊者多所成就然卒以諸生老咸歎爲數奇
云

萬承風號和圃由翰林充

上書房行走洊升兵部左侍郎

今上追封禮部尙書 贈太傅

賜諡文恪同郡義寧州長茅人長茅與邑上南鄉石門樓相
去十餘里時邑舉人張璘有品學設帳其地承風自幼
來師事之與同門士聚首賦詩唱和甚夥於處士張望
尤始終心佩焉